



2015 aallarnerfigalugu ICC-mut aningaasaliissutit 2 mio. kr.-nik ilallugit Naalakkersuisut immikkoortitseqqullugit Inatsisartut aalajangiiffi-gisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)
(Siullermeernera)

Demokraatini ataqqivarput ICC-p atuuttariaqarnera. Tusarniaanernut atatillugu ICC-p akissutai assigigusullu allat soqutigalugit atuartarpagut. Taamatulli oqareerluta qularutissaanngilaq ICC, Naalakkersuisunut attuumassuteqanngitsutut kattuffittut ingerlammat (Non Governmental Organization), taamaattumillu imminut aningaasalersortariaqarmat. ICC ukiut 30-t sinnerlugit Landskarsimit annertuumik tapiiffigineqartarnikuuvoq Demokraatinilu isumaqarpugut, aalajangiiffigineqareersutut tapiissutit ikiliartuaartinneqassasut.

Demokraatini ilisimasaqarfiginngilarput ICC qanoq ilungersortiginersoq nunarsuup sinnerani aningaasaateqarfinnut aningaasassarsiorniarluni, oqaatigiinnassuarpulli aningaasanik pissarsiniarnermi tamanna aqqutissaasoq.

Alla isertitsissutigineqarsinnaasoq ICC-llu iluaqtissarsivigisinnaasaa tassaasinnaavoq ilaasortanik akiliisitsisalernissaq. ICC ilaasortani inersimasoq ataaseq ukiumut 250 koruuninik akiliisittalersuuppagu, imaaliallannerinnakkut kontortik 1.250.000 koruuninik immersinnaagaluarpaat, assersuutigalugu 5.000-nik ilaasortaartuugunik. Malugisinnaasarpullu naapertorlugu kattuffik innuttaasunit tapersorsorneqarluarmat, tamanna ajornartorsuusariaqarpasinngikkaluarpoq.

Taamatut innuttaasunik akuutitsisoqalersuuppat ilaasortat suleqataanerulersinnaagaluarput. Demokraatini isumaqarpugut, innuttaasut kattuffinnut taakkulu angunigaannut tapersorsuuniarnerlutik namminneq aalajangertariaqaraat.

ICC kattuffittut sullivittullu allatut imminut qiviaqqaartariaqarpoq piviusorsioortumillu nalilersorlugu aningaasaatit qanoq atorneqarnersut. Ajunngitsorsiat/akissarsiat qaffasippallaarpat? Angalasoqarpallaarpa aamma akikinnerusumik angalasoqarsinnaava? Sulisut amerlassusaat suliaasanut naapertuuppat?

Iluarsisassanut aqqutaalluarsinnaapput.



Naggataatigut ICC kaammattorusupparput aningaasaqarnini isertuaannerusumik saqqummiuteqqullugu. Naluarput tapiissutit milliunilikkaat ICC-p sumut atortarnerai atorneraaluunniit. ICC nittartagaani naatsorsuutinik nassaasaqanngilaq. ICC-mut tulluarnerussagaluarpoq aningaasaqarnini pillugu ammanerulluni pissusilesortuuguni.

Taamatut oqaaseqarluta siunnersuutip itigartinneqarnissaa inassutigaarput.